

Ո Ր Ո Շ ՈՒ Մ
ԱՐԳԵԼԱԴՐՎԱԾ ԳՈՒՅՔԸ ՀԱՐԿԱԴԻՐ ԷԼԵԿՏՐՈՆԱՅԻՆ ԱՃՈՒՐԴՈՎ ԻՐԱՑՆԵԼՈՒ ՄԱՍԻՆ

26. Ապրիլի. 2018թ.

ք. Արթիկ

ՀՀ ԱՆ հարկադիր կատարումն ապահովող ծառայության Շիրակի մարզային բաժնի Արթիկի բաժանմունքի հարկադիր կատարող, արդարադատության լեյտենանտ Դավիթ Սահակյանս քննության առնելով 26.04.2018թ-ին վերսկսված թիվ 08/01-03419576/18 կատարողական վարույթի նյութերը

Պ Ա Ր Զ Ե Ց Ի

ՀՀ Շիրակի մարզի ընդհանուր իրավասության դատարանի կողմից 28.04.2017թ-ին տրված թիվ ՇԴ1/4707/02/16 կատարողական թերթի հիման վրա անհրաժեշտ է պարտապան, Էմմա Մուշեղի Ֆահրադյանից հոգուտ „ՎՏԲ-Հայաստան բանկ,, ՓԲ ընկերության բռնագանձել 111,521.20 /մեկ հարյուր տասնմեկ հազար հինգ հարյուր քսանմեկ/ ՀՀ դրամ /քսան լումա/ պարտքի , ինչպես նաև հայցվորի կողմից նախապես վճարված 2,230.40 /երկու հազար երկու հարյուր երեսուն/ ՀՀ դրամ / քառասուն լումա/ պետական տուրքի գումարները:

Միաժամանակ վարկի մնացորդի՝ 95.000 ՀՀ դրամ գումարի և հաշվարկված տոկոսների նկատմամբ տույժերի հաշվարկը 15.09.2016թ-ից մինչև դրա փաստացի մարումը շարունակել օրական 0.09%-ով /հիմք ընդունելով վարկային պայմանագրի 11.1 կետով նախատեսված տոկոսադրույքը/, որի նկատմամբ հաշվարկել և հոգուտ Հայաստանի Հանրապետության պետական բյուջեի պատասխանողից բռնագանձել 2%-ի չափով պետական տուրքի գումար: Բռնագանձումը տարածել գրավի առարկա հանդիսացող ՈՎ 011 15 002371 գրավի պայմանագրով գրավադրված ոսկյա իրերի վրա:

Համաձայն շարադրվածի և ղեկավարվելով „ԴԱՀԿ մասին,, ՀՀ օրենքի 67 հոդվածի հատկանիշներով, պարտապան Էմմա Մուշեղի Ֆահրադյանից անհրաժեշտ է բռնագանձել նաև բռնագանձման ենթակա գումարի 5 տոկոսը կազմող գումար՝ որպես կատարողական գործողությունների կատարման ծախսերի գումար:

Կատարողական թերթի պահանջի կատարումն ապահովելու նպատակով պարտապան Էմմա Մուշեղի Ֆահրադյանի կողմից „ՎՏԲ-Հայաստան բանկ,, ՓԲ ընկերությունում գրավադրված՝ թիվ ՈՎ 011 15 00237 պայմանագրի անբաժանելի մասը կազմող՝ ոսկյա իրերի գրավի ստուգման և հանձնման-ընդունման թիվ ՈՎ 011 15 00237 ակտում նշված 1 / մեկ / միավոր ոսկյա զարդի նկատմամբ նշանակվել էր ապրանքագիտական փորձաքննություն՝ փորձաքննության արդյունքում տրված եզրակացության հիման վրա վերջիններս հարկադիր էլեկտրոնային աճուրդով իրացնելու նպատակով:

26.04.2018թ. ՀՀ ԱՆ հարկադիր կատարումն ապահովող ծառայության Շիրակի մարզային բաժնի Արթիկի բաժանմունք է մուտքագրվել նշանակված փորձաքննության արդյունքներով Ա/Ձ Օնիկ Ֆրանկյանի գնահատման հաշվետվությունը, ինչի կապակցությամբ անհրաժեշտ է գնահատված ոսկյա զարդերը ներկայացնել հարկադիր էլեկտրոնային աճուրդի:

Վերոգրյալի հիման վրա և ղեկավարվելով «Դատական ակտերի հարկադիր կատարման մասին» ՀՀ օրենքի 28, 43 հոդվածներով և «Հրապարակային սակարկությունների մասին» ՀՀ օրենքի 35.1 - 35.4 հոդվածների պահանջով՝

Ո Ր Ո Շ Ե Ց Ի

1/ Պարտապան Էմմա Մուշեղի Ֆահրադյանին պատկանող, „ ՎՏԲ-Հայաստան բանկ,, ՓԲ ընկերությունում գրավադրված հետևյալ գույքը՝ ոսկյա իրերը ներկայացնել հարկադիր էլեկտրոնային աճուրդի հետևյալ գներով՝

Հ/Հ	Ոսկեղենի անվանումը	քանակը	Քաշը և հարգը / համաձայն ապրանքագիտական փորձաքննության /	Գնահատման գինը	Մեկնարկային գինը
-----	--------------------	--------	---	----------------	------------------

1	ամուսնական մատանի	1 հատ	6.0 գրամ, 958 հարգի	115.800 դրամ	86.850 դրամ
---	-------------------	-------	------------------------	--------------	-------------

Հարկադիր էլեկտրոնային աճուրդը իրականացնել էլեկտրոնային համակարգի կիրառմամբ՝ հարկադիր կատարումն ապահովող ծառայության աճուրդի էլեկտրոնային կայքի՝ www.achurd.harkadir.am միջոցով:

Հարկադիր էլեկտրոնային աճուրդի սկիզբը՝ „14,, հունիսի 2018թ-ին:

Ծ Ա Ն Ո Ւ Թ ՈՒ Թ Յ ՈՒ Ն

Յուրաքանչյուր լոտի հարկադիր էլեկտրոնային աճուրդի ավարտի հաշվարկային ժամ է համարվում կայքում տվյալ լոտի վերաբերյալ ծանուցումը հրապարակելու 10-րդ օրվան հաջորդող աշխատանքային օրվա համապատասխան ժամը: Յուրաքանչյուր չկայացած հարկադիր աճուրդից հետո՝ երրորդ աշխատանքային օրը, կայքում զետեղվում է կրկնակի հարկադիր էլեկտրոնային աճուրդի դրված լոտի մասին ծանուցումը:

Եթե աճուրդը չի կայացել գնորդ չլինելու կամ լոտի մեկնարկային գնի հավելում չկատարելու հիմքերով, ապա հաջորդ հարկադիր աճուրդ կազմակերպելուց վաճառվող լոտի մեկնարկային գինն իջեցվում է նախորդ աճուրդի համար սահմանված մեկնարկային գնի տասը տոկոսի չափով: Եթե աճուրդը չի կայացել գնորդի կողմից լոտի գնման գինը սահմանված ժամկետում չվճարվելու կամ առավաճառքի պայմանագիրը չստորագրելու հիմքերով, ապա լոտի մեկնարկային գնի իջեցում տեղի չի ունենում: Եթե պարտապանն ունի այլ գույք, ապա լոտի մեկնարկային գինը տասներորդ հարկադիր աճուրդից հետո հաջորդ աճուրդներում չի իջեցվում: Եթե պարտապանը չունի այլ գույք, ապա հաջորդ աճուրդներում լոտի մեկնարկային գինը չի իջեցվում քսաներորդ հարկադիր աճուրդը չկայանալու դեպքում:

«Հրապարակային սակարկությունների մասին» ՀՀ օրենքի 35.4 հոդվածի 4-րդ, 5-րդ, 6-րդ մասերի համաձայն երկրորդ և յուրաքանչյուր աճուրդից հետո, լոտը / գույքը / չվաճառվելու դեպքում պահանջատերը աճուրդի ավարտից հետո երկու աշխատանքային օրվա ընթացքում իրավունք ունի պահանջի դիմաց այն ընդունելու այդ աճուրդի մեկնարկային գնով: Պահանջատերը պահանջի դիմաց լոտը իրեն հանձնելու վերաբերյալ գրավոր պահանջը կարող է ներկայացնել ՀՀ ԱՆ հարկադիր կատարումն ապահովող ծառայություն մինչև չկայացած աճուրդից հետո երկրորդ աշխատանքային օրվա ավարտը: Գույքը /լոտը / պահանջատիրոջը հանձնվում է վերջինիս կողմից կատարողական գործողությունների կատարման ծախսերը վճարելուց, իսկ գույքի / լոտի / հանձման կապակցությամբ հարկեր վճարելու պարտականություն առաջանալու դեպքում նաև դրա կատարումը հավաստող փաստաթղթերը ներկայացնելուց հետո:

2/ Որոշման օրինակն ուղարկել կողմերին:

3/ Որոշումը կարող է բողոքարկվել ՀՀ վարչական դատարան կամ վերադատության կարգով՝ այն ստանալու օրվանից 10 օրվա ընթացքում:

4/ «Դատական ակտերի հարկադիր կատարման մասին» ՀՀ օրենքի 28 հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում կատարողական գործողությունները, բացառությամբ օրենքով նախատեսված դեպքերի:

ՀԱՐԿԱԴԻՐ ԿԱՏԱՐՈՂ,
ԱՐԴԱՐԱԴԱՏՈՒԹՅԱՆ ԼԵՅՏԵՆԱՆՏ՝



Դ. Մ. ՍԱՀԱԿՅԱՆ